



Broj: 11-05-38-23147-2/14
Sarajevo: 08.09.2014. godine

UNIVERZITET U SARAJEVU
FAKULTETI/AKADEMIJE
n/r DEKANA

Predmet: Dostava informacija o činjeničnom stanju i eventualno preduzetim aktivnostima u skladu sa zakonom, **traži se**

Poštovani,

uvažavajući činjenicu da je na fakultetu/akademiji kojim rukovodite najavljeno održavanje štrajka počev od 08.09.2014. godine, potrebno je da Ministarstvu za obrazovanje, nauku i mlade Kantona Sarajevo hitno dostavite informaciju da li je u okviru organizacione jedinice kojom rukovodite organizacija štrajka provedena u skladu sa odredbama Zakona o radu („Službene novine Federacije BiH“ broj: 43/99, 32/00 i 29/03), Zakona o štrajku („Službene novine Federacije BiH“ broj: 14/00) i Pravilnika o organizaciji vođenja štrajka Sindikata Univerziteta u Sarajevu. Uvažavajući činjenicu da naprijed navedeni zakonski propisi izričito propisuju **aktivnu ulogu** poslodavca u postupku koji prethodi održavanju štrajka, potrebno je da se odredite u odnosu na sljedeće:

- da li ste Sindikatu Univerziteta u Sarajevu dostavili prijedlog poslova koji se ne mogu prekidati za vrijeme štrajka shodno odredbi člana 5. Zakona o štrajku te da li ste sa Sindikatom UNSA postigli sporazum o tim poslovima,
- da li vam je Sindikat Univerzitet u Sarajevu objavio sporazum o poslovima koji se ne mogu prekidati za vrijeme štrajka shodno članu 5. Zakona o štrajku,
- da li ste sa Sindikatom Univerziteta u Sarajevu prije otpočinjanja štrajka provodili postupak mirjenja odnosno neki drugi način mirnog rješavanja spora (član 6. stav 1. Zakona o štrajku),

Kako je Zakonom o radu (član 128. stav 3. Zakona) i Zakonom o štrajku (član 2. stav 2. Zakona) propisano da se štrajk može provesti samo u skladu sa odredbama tih zakona, Kolektivnim ugovorom i pravilima sindikata o štrajku, tražimo da Ministarstvu za obrazovanje, nauku i mlade Kantona Sarajevo dostavite informaciju da li je postupak koji je prethodio samom održavanju štrajka sproveden na način i uz preduzimanje radnji od strane poslodavca i Sindikata Univerziteta u Sarajevu koje su precizno propisane Zakonom o radu, Zakonom o štrajku i Pravilnikom o organizaciji vođenja štrajka Sindikata Univerziteta u Sarajevu.

Odredbom člana 3. stav 2. Zakona o štrajku propisano je da samo organizovanje i učestvovanje u štrajku, koji se provodi u skladu sa odredbama zakona, kolektivnog ugovora i pravilima sindikata o štrajku, ne predstavlja povredu ugovora o radu. Kako je istim zakonom u članu 10. propisano da poslodavac može da podnese zahtjev nadležnom sudu radi zabrane organiziranja i provođenja štrajka koji je organizovan suprotno odredbama ovog zakona, kolektivnog ugovora i pravilnika o radu, tražimo da nas hitno, u roku od 24 sata od dana prijema ovog dopisa, informišete o tom da li je štrajk na fakultetu/akademiji kojim rukovodite organizovan u skladu sa odredbom člana 2. stav 2. Zakona o štrajku.

Ukoliko postupak organizovanja štrajka nije proveden na način i u postupku koji je precizno propisan zakonom, a koji postupak podrazumijeva aktivno sudjelovanje poslodavca, tražimo da shodno odredbi člana 10. Zakona o štrajku, nadležnom sudu podnesete zahtjev radi zabrane organiziranja i provođenja štrajka koji je u suprotnosti sa relevantnim zakonskim i podzakonskim propisima.

Ministarstvo za obrazovanje, nauku i mlade Kantona Sarajevo od dekana fakulteta/akademija na kojima je organizovan štrajk, ne traži niti očekuje donošenje odluke o zabrani štrajka, niti da štrajk proglašene nezakonitim, nego da shodno odredbi člana 10. stav 1. Zakona o štrajku nadležnom sudu podnesu zahtjev za zabranu organizovanja i provođenja štrajka, ukoliko štrajk nije organizovan u skladu sa članom 2. stav 2. Zakona o štrajku.

Ministarstvo za obrazovanje, nauku i mlade Kantona Sarajevo očekuje od dekana fakulteta/akademija na kojima je štrajk organizovan na zakonit način, da zaposlenicima koji su pristupili provođenju štrajka, osiguraju nesmetano provođenje štrajka.

Dakle, napominjemo da je u nadležnosti suda donošenje odluke da li je štrajk organizovan i proveden na zakonit način, dok je u nadležnosti poslodavca podnošenje zahtjeva za utvrđivanje zakonitosti organizovanja i provođenja štrajka. Skrećemo vam pažnju na činjenicu da nadležni sud odluku o zabrani štrajka ne donosi po službenoj dužnosti, nego isključivo na osnovu prethodno podnesenog zahtjeva od strane poslodavca.

S obzirom na činjenicu da prema odredbama Zakona o visokom obrazovanju ("Službene nvoine Kantona Sarajevo" broj: 42/13-Prečišćeni tekst) dekan predstavlja organ rukovođenog i odgovoran za zakonitost procesa u okviru fakulteta/akademije, potrebno je da vas povratno informišete o činjeničnom stanju u vezi sa održavanjem štrajka i eventualno preduzetim mjerama aktivnostima.

Dostaviti

- ✓ 1. Fakultet zdravstvenih studija, ul. Bolnička br. 25.,
- ✓ 2. Fakultet političkih nauka, ul. Skenderija br. 72.,
- ✓ 3. Fakultet za kriminalistiku, kriminologiju i sigurnosne studije, ul. Zmaja od Bosne br. 8.,
- ✓ 4. Farmaceutski fakultet, ul. Zmaja od Bosne br. 8.,
- ✓ 5. Veterinarski fakultet, ul. Zmaja od Bosne br. 90.,
- ✓ 6. Šumarski fakultet, ul. Zagrebačka br. 20.,
- ✓ 7. Mašinski fakultet, ul. Vilsonovo šetaliste br. 9.,
- ✓ 8. Medicinski fakultet, ul. Čeklauša br. 90.,
- ✓ 9. Pedagoški fakultet, ul. Skenderija br. 72.,
- ✓ 10. Elektrotehnički fakultet, ul. Zmaja od Bosne br. 8.,
- ✓ 11. Poljoprivredno-prehrambeni fakultet, ul. Zmaja od Bosne br. 8.,
- ✓ 12. Muzička akademija, ul. Josipa Štadlera br. 1/2
- ✓ 13. Akademija likovnih umjetnosti, Obala Maka Dizdara br. 3/1
- ✓ 14. Akademija scenskih umjetnosti ul. Obala Kulina bana br. 11.,
- 15. Vlada Kantona Sarajevo, n/r Premijer,
- ✓ 16. Rektorat Univerziteta u Sarajevu, n/r Rektor, ul. Obala Kulina bana br. 7.,
- 17. a/a

Jesla Katic

08.9.2014

MINISTARSTVO ZA OBRAZOVANJE, NAUKU I MLADE KANTONA SARAJEVO
Ljudana Prelecek

UNIVERZITET U SARAJEVU
Org. Javna

AKADEMIJA LIKOVNIH UMJETNOSTI SARAJEVO

AKADEMIJA SCENSKIH UMJETNOSTI SARAJEVO

POLJOPRIVREDNO-PREHRAMBENI FAKULTET SARAJEVO

08.09.2014
08.09.2014
08.09.2014
08.09.2014
08.09.2014
08.09.2014
08.09.2014

